

卷之六

刀車式
鐵板式
金板式
鐵板式
刀車式

刀車
鐵板
金板
鐵板
刀車
鐵板
金板
鐵板
刀車

金湯借箸卷之六

設防部 有引

防門

火月城

槎牌

金錐板

鐵插板

鐵插板式

刀車式

楊智積益薪助火

槎牌式

金錐板式

鐵鉉

刀車

鑿扇



七星池

溜筒

水袋式

唧筒式

鐵鈎式

孟宗政隱火

水缸

防牆

突門虛敵臺

七星池式

水袋

唧筒

鐵鈎

姚仲酒壺

水井

備脩築

木柵

偃月城

防梁

懸簾

懸戶

懸簾式

懸戶式

木女牆

劉琦

木女牆式

連鎖大鑲

奈何木

奈何木式

防奸細

嚴搜逐

清保甲

查流寓

查確工

查遠歸

查寺廟

查客店

立內柵

加外鎖

防窮民

總論

虞訓三科募士

王式開倉賑貧

防內應

敵人奸細為內應

本城反側為內應

防詐門

幽州挾詐

也先挾詐

防詭冒

詭冒敗卒

詭冒援兵

詭冒婦人

防暴來

附暴客二條

八日兵至新城

竇泰庵至秀容

李顯忠

王德

防潛襲

韓軌宵濟入華州

李師道潛內兵以圖東都

防離叛

總引

田單計剽齊卒

劉鄩計殺彥溫

防風雨晦冥

李愬乘雪擒元濟

李全乘冰襲泗州

防佳時令節

高歡元旦破秀容

狄青上元奪崑崙

成祖中秋破雄縣

防敵退而寔進

滿寵料孫權

徐溫破虔州

防敵去而復來

呂好問請備金

种師道請備金

防敵攻東擊西

周亞夫備西北

郭淮備陽遂

李光弼嚴警邏

韓遊瓌備東北

畢再遇

防賊求和挾詐

侯景偽和

防隙地

兖州水竇

防火變

火備

防火藥

磚庫

防草場

下邳深塹

又

總引

防獄

總引

防庫

總引

防七乘

條目

金湯備著目錄卷之六終

卷之六

廬州



金湯借箸卷之六

京口

周

鑑臺公甫

輯著

淮南

李長科小有甫

較訂

同郡

王孟申元嶽甫

參閱

設防部

千丈之隄。潰于蟻穴。合抱之棟。摧于蛀壤。一
瑕百瑕。理勢然也。防之為道。難言。執必也。善
守如環。使敵無間可入。斯為貴矣。輯設防。

防門

火月城

賊若破月城未破內城城上人須用火炬擲月
城內以月城為火池多多添擲竹木賊不勝烟
火自然退出

楊智積益薪助火


楊智積隋文帝姪也楊玄感反攻城燒城門智
積于內益薪以助火勢賊不能入

槎牌

槎牌量其城門高下濶窄堅木造之厚四五寸

外用鐵葉排釘鉸裹頂上照門窠一尺濶長渠
將槎牌預為懸穿城上兩邊栽壯木二根橫架
圓木一根中安二滑車槎牌用粗繩繫住若遇
焚門土壅不及將槎放下隔阻

式牌樓




金錐板

月城內大城外築成陷馬坑濶狹與城門相等不可太過恐墻腳虛頽也長可一二丈深一丈有餘底濶而上狹蓋上陷于下賊一墮勢不能攀躋求脫矣其內置金錐板城上門口仍列壯士用強弓勁弩火器礮石利刃長矛為鉤搭斬截之具無事用堅木搭上為跳板使我兵利于出入有急擊去跳板用薄蘆蓆虛蓋浮土賊入輒陷

金 錐 板 式

舊製陷坑內用鹿
 角木鐵菱角疾藥
 不如用金錐為妙
 錐用鋼鐵為鋒極
 尖銳長二尺許堅
 木為板長五尺濶
 二尺密釘金錐平
 鋪坑內錐錦雕虎
 藥少許見血封喉
 立死賊馬一入所
 值蹄立穿



鐵插板

插板用榆槐堅木為骨其潤兩邊各掩過城門一尺慢以生牛皮週圍用鐵葉裹釘完密下用狼牙釘極其鋒利兩旁施鐵環貫鐵索各立二柱柱開池槽亦用鐵葉裹之柱下各立桴柱以防傾圯柱下設一轆轤為絞索之用兩柱間設一大橫木中空一竅插板中亦空一竅絞至兩竅相對處即以一巨鐵釘拴入其中如欲攔阻賊兵入城但拔去銷釘其插立下勢重千鈞當


之者立為臺粉 插板勢重必以絞車升之

鐵鉉

靖難兵圍濟南甚急鐵鉉令軍民詐降陰伏勇士開城門候燕王入急下鐵板幾中之

周臺公曰越城設陷坑坑內置金椎板乃予杞言中臆說也賊即破門敢進一步便陷死地矣較火月城之策似稍勝之 又必置鐵插板何恐陷者層積賊踐而登故約過一工百人即便下此使其前敗後絕任意殲之耳

鐵 插 板 式




刀車

以兩輪車自後出鎗刀密布之敵攻壞城門則
以車塞之此車宜設二乘一向外防賊徒外攻
一向內防奸細內應

周臺公曰今人一聞警報將門用石疊砌用
土填塞甚為可笑萬一賊隙可乘反阻戰兵
出入之路刀車鑿扇皆妙法也

刀車式

卷之六



鑿扇

侯景以長柯斧斫東掖門門將開羊侃鑿扇為孔以槊刺殺二人斫者乃退今用神器從孔對擊威力百倍鑿扇甚妙


七星池

凡賊攻城多用火燒門須用淋水滅之預于城上緊貼門扇處開鑿一池橫長與門等濶二尺池口至底以漸而殺如屋簷天溝樣底約濶五寸鑿為七眼徑六七寸每眼相去以門之廣狹

為度務令均勻其相連處橫鑿寸澗一縫借之
泄水眼大可下砲石縫狹水不旁注如聞河傾
瀉火無所施且人亦難于站立此萬萬不可少
者池上無事以厚板蓋之

周臺公曰按侯景列兵繞臺城既匝百道俱
攻鳴鼓吹脣喧聲震地縱火燒火司馬東西
華諸門羊侃使鑿門上為竅下水沃火戰士
踰城門洒水久之方滅此即前七星池之意
也但旋鑿之不如預備之矣


七 星 池



溜筒

賊有以火燒城者宜用鐵溜筒貯水傾滅之或
曰宜下濕沙滅之若用水則油焰愈熾多致失
事


上用竹筒下用
鐵管城上注水
于木斗內傾瀉



水袋式

水袋

以牛馬雜畜皮。渾脫為袋。貯水三四石。以大竹
一支。去節縛于袋口。若火焚樓柵。則以壯士三
五人。持袋口向火。廬水注之。每門置兩具。



水囊

以猪牛脬盛水。敵若積薪城下。順風發火。則以
囊擲火中。古軍法作油囊亦便。

水囊式



麻搭式

麻搭

以八尺桿繫散麻二斤蘸泥漿以慶火



唧筒式

唧筒

用長竹下開竅以絮裏木桿自竅唧水



鐵鈎

東魏高歡攻玉壁縛松于竿灌油加火規以焚
樓韋孝寬作鐵鈎利其鋒刃火竿來以鈎遙割
之松麻俱落

鐵鈎式



姚仲酒缶

金人攻仙人關用火焚樓姚仲以酒缶撲滅之

孟宗政隄火

金帥完顏訛可擁步騎傳棗陽城宋孟宗政囊糠盛沙以覆樓棚列甕澆水以隄火

一法用晉石化水塗門樓常令泔潤火不能害

水井

城中宜多濬井泉湧於寺廟空閑之地添井三

五十眼。一以備人衆可飲。一以備火攻猝救。

水缸

凡棚樓敵臺之下。皆當各貯大小缸數口。而五
梁亦共貯一缸。如為飛火所然。隨然隨撲。庶不
至取救遠。水成燎原之勢。

防牆

突門虛敵臺

周臺公曰。奴酋攻城之具。用槐榆木。厚八寸餘。
高八尺。如轆形。下有四小輪。以人御之。其板俱

用活銷以致鉛彈遇之車往來番去鉛彈子折而過車隨復起不能傷人推至城下以弓矢仰射而以尖鐵衝挖城長五六尺餘柄以粗木為之每去一軌則以衝八五六人共坐其柄而撼則城不能支矣若有突門虛臺從旁夾擊安能害我其制已詳首卷並不復贅

備脩築

城中每面備磚一萬黃土數十車石灰千斤水一百甕每十架用鐵掀二張鋤刀二口門六扇

丈五長杆四根。以備攻破城垣。當時脩補。

木柵

東魏高歡攻玉壁。四面穿地作二十道。其中各施梁柱。以油灌柱。放火燒之。柱折城並崩陷。孝寬隨其崩處。豎木柵以捍之。敵終不得入。

偃月城

金完顏訖可攻棗陽。募鑿銀鑛石工。晝夜陷城。城頽。孟宗政益薪架火山。以絕其路。列勇士以長鎗勁弩備其衝。距城頽所數丈。築偃月城翼。

傳正城深坑倍仞躬督役五日成

防梁

懸簾


梁口第一切要之物。每梁口作木架一箇。兩足
在內。栽城上。緊貼兩梁邊。上安橫木。向外可搭
璫琰。或用被褥。俱以水濕。直遮梁口。箭不能入。
但防賊鉤竿。須用兩帶繫梁內外。用兩活柱撐。
如欲下視。將兩柱斜撐兩梁邊。傍遠視高撐。近
視低撐。

懸戶



懸戶則以轉軸作為小門一扇厚一寸外畫虎頭兩眼穿透如鵞卵大可以遠窺亦以活柱撐之懸戶懸簾撐不可太高須防傍箭

懸戸式

懸簾式



卷之六



木女牆


以版為之高六尺濶五尺下施兩輪軸施拐木
二條凡敵人攻城摧壞女牆則以此代之

劉琦

宋劉琦守順昌時守備一無可恃錡于城上躬
自督勵取偽齊所造痴車以輪轆埋城上又撤
民戶扉周匝蔽之即代以木女牆之意也

木女塙式

卷之六



連鎖大鑲

尹子琦圍睢陽以鉤車鉤城上棚閣鉤之所及
莫不崩陷張巡以大木置連鎖大鑲拔其鉤而
截之

其法未詳載此以待巧思者意會 梁身甚
薄賊每攻城先用大鉤鉤倒使守城軍民無
所隱蔽最為誤事連鎖大鑲之襲宜考也
奈何木


賊若攻城不懼日攻而懼夜襲且或守城兵夫

偶而困倦不支則置奈何木以防一時之懈先
諭各兵每夜一鼓之後各城樓喇叭一通即將
奈何木通城頃置架牆上木上倒綴虎怕荊每
荊一束用小指大草繩三尺長以一頭繫荊束
一頭縛二三片重石塊將石連繩纏于木荊垂
牆頭之外邊賊來襲攻既不能攀援而上又不
能飛越而入一經移動磚石下墜荊木隨落賊
自取傷而守架兵失且又警覺即拋打磚石傷
賊必多因其無可奈何故謂之曰奈何木也

木何奈

其木宜取足近城大樹

荊石繫木何奈



防奸細

嚴搜逐

從來賊欲攻城必有內賊為應或一年半年粧
為客人僧道算卦傭工皮匠裁縫賣菜販果修
脚篋頭在本城踈探道路採訪虛實窺伺貧富
交結守門牢伴為腹心買囑在官人役為耳目
甚者包攬皂快營幹守門一動一靜無不皆知
一計一策無不傳報及圍城時或舉火內應或
預配城鑰開門或揚言賊已入城惑亂衆心有

司須豫先謹防臨時按逐按但有房主歇家不行
覺察一概混留者查實奸細與房主歇家一同
梟示賊無內應雖開門不敢徑入此守城第一
要務

清保甲

凡欲防奸須嚴保甲預就每方之中編定五家
一牌令其相為覺察不許容留面生可疑之人
容隱不舉事發連坐即原係居民若兵臨城下
如有蹤跡詭秘舉動可疑者亦許諸色人等稽

察報官若捉獲真正奸細一名登時賞銀十兩
以示獎勵每家給一腰牌開寫年貌籍貫凡
有牌出入城門方准放行

查流寓

流寓之家有五年三年以上者與比屋一體編
戶若僦居一二年者除可疑人定行驅逐外餘
查其眷屬多寡親戚保結何人生理何事如無
眷屬及有眷屬而無親戚保結生理者一概驅
逐出境

查僱工

染麪糟磨絲氈等店類多各處僱工人必取鄰里保結果係久僱方准容留如係新來及無保結者竟行驅逐如店主容留賜官憑坐

查遠歸

奸細不盡屬遠人土著者亦往往有之即貴家大族寧保無不肖子弟及亡奴悍僕竄入城中者里人恐其挾怨中傷即明屬可疑莫敢輕舉然與其網疎而僨事曷若過防為萬全凡在外

遊食經商一旦來歸者不論賢愚貴賤該地方
一一報官另作一冊責其族主隣佑其不致誅
虞甘結庶便時為覺察仍明示過防之意不必
避嫌待至事平銷毀原冊此在良民原不患其
稽核而懷奸輩始不得逞矣

查寺廟

奸人潛跡多住寺院之中尤宜防者無名庵觀
見一客至便視為奇貨安問其所從來宜責成
僧官及本寺住持先將各寺院東西南北造冊

四扇某庵有牒僧幾衆無牒行者幾衆名山偶
到客僧幾衆此外流僧一概驅逐其行脚往來
惟准禪堂施飯即遣他往不准留宿別有沿街
結党坐募齋供說帳談因者俗名喫僧與盜無
異嚴示地方驅逐之至于過客一概不許寄寓
如容留異言異服之人查出即以容留奸細論
僧官住持一體治罪其道紀司亦單造一冊法
如前行之

凡城外開廂與在城不同一店中有客數人先令房主具結保開店之人次令店主具結保客入尤須暗行物色以防不虞

立內柵

城中最慮潛伏須于各街巷口設置柵柵每夜懸燈撥夫執器械嚴守晨昏啓閉卽官府夜行亦須審察以防奸細

加外鎖

甕城內一層門向外者晚用外鎖撥謹慎有身

賊即窮民耳

防窮民

是是是是

家者十餘壯丁守之以防城內奸細砍門而出

槩論

周臺公曰賊之所至甘心從逆者皆窮民也賊
一入城引賊焚搶富室者皆窮民也賊尚未來
顏首祝天而日望其末者又皆窮民也先事而
誅之則冤甚且不可勝誅臨事而防之則無及
亦不可勝防然則奈何要知窮民之情所以不
領而走險者非有大志圖富貴也不過因其生

計盡絕且圖救一刻之飢寒賒一刻之死也耳
所謂做一飽鬼死亦瞑目之說也但令安撫得
宜衣食不乏則皆我荷戈登陴相與協力捍賊
之未子也反仄之罪豈獨在民乎故許洞云被
圍者當先安其內而後及其外即此意也古人
如漢虞詡唐王式皆能識此機者今載于左

虞詡三科募士

東漢朝歌賊數千人攻殺長吏屯聚連年州郡
不能禁乃以虞詡為朝歌長及到官設三科以

募壯士。操吏以下。各舉所知。攻劫者為上。傷人
偷盜者次之。不事家業者為下。收得百餘人。貫
其罪。使入賊中。誘令劫掠。乃伏兵以待之。殺數
百人。

周臺公曰。攻劫者大盜也。偷盜者竊盜也。傷
人者。即今所謂天罡打行也。不事家業者。即
今所謂游手游食無籍光棍也。之數等者。法
所必誅。詎乃急取用意深矣。

王式開倉賑貧

唐裴甫亂浙東詔王式討之式入越州命諸縣
開倉廩以賑貧乏或曰軍食方急不可散也式
曰非汝所知也及平賊械甫送京師斬之置酒
大會諸將請曰某等生長軍中久更行陳今幸
得從公破賊然有所不喻者敢問公之始至軍
食方急而遽散之何也式曰此易知耳賊聚穀
以誘飢人吾給之食則民不為盜矣且諸縣無
守兵賊至則倉穀寔足資之耳皆拜曰非所及
也

防內應

敵人奸細為內應計三條

春秋衛人將伐邢。禮至曰：「不得其守，國不可得也。」我請昆弟往仕焉。乃往得仕。及衛人伐邢，二人從國子廵城，掖以赴外，殺之，遂滅邢。

唐維州據高山絕頂，三面臨江，在戎虜平川之中，是漢地入兵之路。初，河隴盡沒，惟此獨存。吐蕃潛以婦人嫁此州門者，二十年後，兩男長成，竊開壘門，引兵夜入，遂亦沒陷。號曰：「無憂城。」

唐李希烈反朝廷以汝州與賊接境刺史韋光
裔懦弱以李元平代之既至募工徒葺理郭郭
希烈乃使勇士應募執役版築凡數百人元平
不之覺希烈遣將以數百騎突至其城先應募
執役者應于內縛元平馳去

本城反側為內應計三條

春秋齊伐莒莒子奔紀鄆又從而伐之初莒有
婦人莒子殺其夫已為娶婦及老託于紀鄆紡
焉以度而去之及師至則投諸外或獻諸子占

子占使師夜縋而登。登者六十人。縋絕。師鼓譟。
城上人亦譟。言共公懼。啓西門而出。齊師入。紀
唐吳少誠遣兵掠臨潁。兵馬使安國寧與節度
使上官浼不叶。謀翻城。應少誠營田副使劉昌
裔以計斬之。召其麾下人。給二緡。伏兵要巷。見
持緡者。悉斬之。無得脫者。
唐蠻軍抵成都城下。成都守將李自孝陰與蠻
通。欲焚城東倉。為內應。城中執而殺之。後數日。
蠻果攻城。久之。城中無應而止。

周臺公曰惜乎其技止此也若能因机設伏
誘令入城從而殲旃不更快乎

防詐門

幽州挾詐

唐幽州叛弓高守備甚嚴有中使夜至守將不
內旦乃得入中使大詬怒賊諜知之他日偽遣
人為中使投夜至城下守將遽納之賊衆隨入
遂陷弓高

也先挾詐

意在詐門
不在賄也

英宗北狩。當是時。大同堡塢蕭條。城門晝閉。人心危疑。是年八月。虜奉

上皇至城下。索金幣。約賂。至歸駕。郭登閉門不納。遣人奏曰。臣奉朝廷命守城。不敢擅啓。閉竟不出。劉安孫祥霍瑄出見獻

上皇金帛。及約賄。往虜笑不應。竟擁駕去。

防詭冒

詭冒敗卒

唐繼進冠雋州。竇滂遣充海將帥五百人拒之。

舉軍覆沒蠻衣充海之衣許為敗卒至江岸呼
船已濟衆乃覺之遂陷犍為

詭冒援兵

後五代漢趙暉圍王景崇于鳳翔數挑戰不出
暉潛遣千餘人環甲執矢效蜀旂幟循南山而
下令諸軍聲言蜀兵至矣景崇果遣兵數千出
迎之暉設伏掩擊盡殪之

詭冒婦人

計二條

春秋晉將嫁女于吳齊侯使析歸父媵之以蒲

載藥盈及其士納諸曲沃車有障蔽者曰藩蓋詐為婦女也藥

盈帥曲沃之甲以晝入絳

李密欲據桃林縣縣官不從乃托言奉旨入洛陽暫送家眷入縣衙一寄却以強兵戴婦女幕

離乘車而入遂奪桃林

防暴末附暴客

八日兵至新城

孟達據新城司馬懿討之達與孔明書曰吾舉事方八日而兵至城下何其神也城陷達伏誅

竇泰奄至秀容

魏爾朱兆在秀容高歡遣竇泰以精騎馳之一
日一夜行三百里泰奄至兆庭軍人驚走兆自
縊死

李顥忠

有酋豪號青面夜叉者久為夏國患乃令李顥
忠圖之請騎二千晝夜疾馳奄至其帳擒之以
歸

王德

宋王德從十六騎徑入陰德府治執偽守姚太
師左右驚擾德手殺數千百人衆愕眙莫敢前
械姚獻于朝欽宗問狀姚曰臣就縛時正見一
夜叉耳

防潛襲

韓軌宵濟入華州

西魏王羆為華州刺史嘗脩城未畢梯在城外
時高歡遣將韓軌從河東宵濟羆不知覺比曉
軌衆已乘梯入城羆尚卧未起聞閣外洶洶有

聲羈便袒身露髻徒跣持一白挺大呼而出敵
見之驚退逐至東門左右稍集合戰破之執衆
遂遁

李師道潛內兵以圖東都

唐李師道置留後院于東都潛內兵數百人謀
焚宮闕縱兵殺掠其小卒請留守呂元膺告變
元膺發兵圍之賊衆突出望山而遁東都西南
皆高山深
林
都城震駭

防離叛

總引

韜英子曰。守者降敵。敵若撫而用之。則未降者皆二心矣。必施反間之計。使吾間傳于敵。聞則敵必殺降者。殺一降者。則衆心固而不敢降矣。

田單計剽齊卒

齊田單守即墨。乃宣言曰。吾惟懼燕軍剽所得齊卒。置之前行與我戰。即墨殘矣。燕人聞之。如其言。城中人見齊諸降者盡剽。皆怒。堅守。惟恐

劉鄩計殺彥溫

梁葛從周急攻兗州。人心頗散。副使王彥溫踰城而犇。守陴者多逸。劉鄩乃遣人陽語彥溫曰。副使勿多將人出。非吾素遣者。皆勿以行。又下令城中曰。吾遣從副使者得出。不者皆族。城中皆惑。犇者乃止。已而梁兵聞之。果疑彥溫非寔降者。斬之城下。繇是城守益堅。

防風雨晦冥

李愬乘雪擒元濟

卷之六

唐李愬謀襲蔡州。夜起師，會大雨雪，天晦凜風，
偃旗，馬皆縮慄。士抱戈凍死者衆，始發，吏請所
向，愬曰：「入蔡州取吳元濟。」士盡失色。夜半至懸
瓠城，雪甚，蔡人不為備。四鼓，愬至城下，無一人
知者。李佑等坎墉先登，衆從之。殺門者，開閤，留
持柝傳夜自如。黎明，雪止，愬入，駐元濟外宅。元
濟始驚，率左右登牙城，田進誠進兵薄之，火南
門。元濟請罪，梯而下，檻送京師。

無備有思如此

李全乘冰襲泗州

宋李全謀襲金泗州時大雨雪淮冰合全曰每
恨泗州阻水今如平地矣以長鎗三千人從夜
半渡淮潛向泗之東城將踏濠冰傳城下掩金
人不備俄城上荻炬數百齊舉遙謂全曰賊李
三汝欲偷城耶天黑故以火燭之全知有備乃
引兵還

有備無患如此

防佳時令節

高歡元旦破秀容

魏爾朱兆既至秀容分守險隘出入寇抄高歡
楊聲討之師出復止者數四兆意怠歡揣其歲
首當宴會遣竇泰以精騎馳之一日一夜行三
百里歡以大軍繼之泰奄至兆庭軍人因宴休
惰忽見泰軍驚走衆並降散兆自縊死

狄青上元奪崑崙

宋廣源川蠻儂智高反還守邕州狄青懼崑崙
關險阨為所據乃按兵不動下令賓州具五日

糧休士卒。值上元節。令大張燈燭。首夜宴將佐。
次夜宴從軍官。三夜饗軍校。首夜樂飲徹曉。次
夜二鼓時。青忽稱病。輒起如廁。久之。使人諭孫
沔。令暫主席行酒。少服藥。乃出。數使勸勞坐客。
至曉。客未敢退。忽有馳報者云。夜時三鼓。元帥
已奪崑崙矣。是夜大風雨。青率兵度崑崙關。既
度。喜曰。賊不知守此。無能為也。

成祖中秋破雄縣

靖難兵起。楊松帥驍勇者九千人。進據雄縣。

燕王渡白溝河。謂諸將曰。今夕中秋。彼必不備。飲酒為樂。此可破也。亟行。夜半至雄縣。黎明破其城而入。松與麾下九千人皆戰死。防敵退而寔進。

滿寵料孫權

吳孫權揚聲欲向合肥。魏滿寵表召兗豫諸軍皆集。權尋退。詔罷兵。寵以為今賊大舉而還。非本意。此必欲偽退以罷吾兵。而倒還乘虛掩不備也。表不罷兵。後十餘日。權果再到合肥城下。

不克而還

徐溫破虔州

吳遣劉信將兵攻虔州譚全播拒守其城險固
久之不下乃還徐溫復以兵三千授信子英彥
使朱景瑜與之俱曰全播守卒皆農夫妻子在
外重圍既解相賀而去全播所守者空城耳大
兵再然必然克之信引兵還擊虔州全播奔雩
都追執之

防敵去而復來

呂好問請備金

宋金師北去京師解嚴御史中丞呂好問進言
于帝曰金人得志益輕中國秋冬必傾國復來
禦敵之計當速講求不聽

种師道請備金

金師北去种師道請合關河卒屯滄衛孟滑備
金兵再至朝廷以大敵甫退不宜勞師示弱二
帝果有北轅之禍

防敵攻東擊西

周亞夫備西北

漢周亞夫拒吳吳奔壁東南陬亞夫使備西北
已而精兵果奔西北不得入

郭淮備陽遂

魏郭淮屯北原以拒亮後數日亮盛其西行淮
以為此見刑于西欲使官兵重應之必攻陽遂
耳其夜果攻陽遂有備不得上

李光弼嚴警邏

唐史思明圍太原月餘不下乃選驍銳為遊兵

戒之曰我攻其北則汝潛趨其南有隙則乘之
李光弼軍令嚴整雖寇所不至警邏不少懈賊
不得入

韓遊瓌備東北

朱泚圍奉天盛兵鼓譟攻南城韓遊瓌曰此欲
分吾力也乃引兵嚴備東北

畢再遇

畢再遇進兵薄泗州泗有東西城再遇令陳戈
旂舟楫牙石固下如欲攻西城者乃自以麾下

兵從陟山徑趨東城南角先登殺敵數百金人
大潰守城者開門遁

防賊求和挾詐

侯景偽和

臺城被圍既久侯景衆亦飢抄掠無所獲東城
有米可支一年援軍斷其路景甚患之王偉請
偽求和以緩其勢運米入石頭然後休士息馬
繕脩器械伺其懈怠擊之景拜表求和梁主許
之敕止援軍景既運東府米入石頭復進攻城

晝夜不息。臺城遂陷。

防隙地

兗州木竇

唐昭宗幸鳳翔。朱溫率師迎于岐下。王師範欲
乘虛據兗州。劉鄩先遣人詐為鬻油者入城。謂
其虛宴。及兵所從入。視羅城下一水竇。可引衆
而入。遂誌之。鄩乃告師範。請步兵五百。自水竇
銜枚而入。一夕而定。

下邳深塹

岳飛以兵十萬圍邳州甚急城中兵纔千餘守將懼遣人求救昂曰為我語守將我嘗至下邳城中西南隅有塹深丈餘可速寔之守將如其教填之飛果自此穴地以入知有備遂止昂舉兵以為聲援飛乃退

防火變

火備

賊人內應多以舉火為號城中人防變又必多積柴薪一旦火起居民倉皇狼突奸徒因得乘

機竊發。今預立救火夫四十名。各家貯一水缸。各坊備長火鉤十把。舊絮被或絮袋十條。大小水桶五付。轆轤十付。澆桶十付。長梯五付。長鎗五把。以防一時火變。則持鉤者十人。將赴火屋。并下風屋。鉤倒以水濕絮袋撲之。司汲十人。汲水入桶。担水五人。登梯十人。運澆持長鎗五人。巡守要路。以防乘機搶擄者。城中居民止許本坊赴救。他坊百姓不許奔看。混救即係守城梁。夫巡官將領之家亦不許下城救應。奸人見我

鎮靜如此無能為變矣若本坊保甲救護不力
致有延燒及不係本坊居民乘機搶火者查出
以軍法重治

又

凡委積及樓柵門扇門棧但火攻可及之處悉
皆覆瓦泥塗准備水具

防火藥

磚庫

李之藻奏略云守城最喫緊者提煉精細之火

葯舊皆貯于盛甲廠一處指京師言不惟地遠

難于取用抑且聚積或有可虞不如每門各造
磚庫一所中設地窰外築牆垣每庫細葯粗葯
各萬斤方保無虞

葯用坛盛上加泥護禁斷燈火預備水具各派
專役嚴司典守稍有不謹定從軍法凡一應
面生可疑之人但至火庫即係奸細登時拿送
究治

總引

城堡中堆聚草場必須撥人防護萬分謹慎賊至之日有面生可疑之人但至草場即係奸細拿送究治

防獄

總引

獄囚自分必死每倖賊來再圖生計所以怠緩失守者多致內為外應防之不可不密也輕係者宜放即放重辟者宜除即除仍宜嚴諭獄官

不得尅減獄食。不得受賄縱死。因自便。不得私放親識出入。晝則查點。夜則巡邏。仍時委心腹伺察。非常亦預防無患之一端也。

廬州

周臺公曰。廬廣文先生。廬州人也。為予言。廬州事。言賊屢攻其城。志在必取。而太守吳君專以輯內應為主。自帥家丁。沿門搜索。果獲奸民為賊應者。當時斬首擲城外。賊以謀泄遂退。一日復來攻。吳君密計。民間奸細已盡。近見送獄食。

者視平時有加事屬可疑隨案各犯果得重辟
某者原係衙蠹潛通死寇為內應于是梟首示
賊賊譟言解去自此絕意廬州矣

防庫

總引

周臺公曰庫者聚財之所有警之曰垂涎者多
宜統重兵彈壓默銷奸謀

防七乘

條目

賊之攻城也有七乘。乘我之倦。如日夜勞苦。神疲力竭之類。乘我之急。如日久心安。官不戒訓。民不恐懼之類。乘我之忽。如風雨雪夜。地遠人稀。思想不到之類。乘我之無備。如兵刃不利。矢石不足。火炮缺乏之類。乘我之疎。如城有單薄。地有平陂。外有攻衝之資。內有不備不具之類。乘我之緩。如往日遲心怠意。一時招架不反手。忙脚亂之類。此七乘者。城之安危所係。不可不慎也。

